





Komuniti miting blong mekem plan

Hiu, Vanuatu

Ol komuniti round long Vanuatu oli save experiencem ol taem we i gat tumas ren o ples i drae tumas olsem result blong El Niño mo La Niña. Ol kondisen ia wetem ol kaen weta olsem saeklon, oli save gat bigfala impak long wota wetem kakai blong komuniti, infrastrakja (olsem haos mo rod), mo ol laef wetem helt blong ol man.

Wan impoten fasin we komuniti i save tekem blong redi long ol impak ia hemi blong holem ol miting everitaem. Karem ol man long komuniti i kam tugeta blong tokbaot ol issues, woning mo ol fokast, blong luk save ol nara komuniti, okanisasi o ol ofis blong kavman we oli save toktok mo wok tugeta wetem mo blong mekem wan gudfafa disisen mo plan from wanem blong mekem blong redi, hemi wan men step blong tekem early aksen.



SPC-GIZ CLIMATE CHANGE
SOLAR FRUIT DRYER
FOOD SECURITY PRESERVATION

giz



Sevem kakai

Pele, Vanuatu

Long Vanuatu, yumi nidim ol helti karen blong yumi save gat enaf kakai long komuniti. Ol taem blong ren o ples i drae tumas wetem ol weta olsem saeklon i save gat nogud impak long ol karen mo kakai. Wei blong sevem kakai hemi wan fasin we komuniti i save tekem mo redi long ol taem we smol kakai nomo i stap. I gat fulap wei yumi save sevem ol difren kakai.

Pikja ia i soem wan eksambol blong sevem kakai long Pele aelan. Ol woman long Pele oli wok wetem wan program blong SPC-GIZ blong sevem ol frut wetem ol nut long fasin blong usum frut san dryer. Ol kakai we i drae oli save usum long taem we i gat smol kakai i stap mo i save givim ol woman ia wan nara eria we oli save mekem mani long hem taem oli salem ol kakai ia.

Yu save mekem man i toktok taem yu askem olgeta we i kam long woksop – wanem fasin blong sevem kakai oli stap usum o oli usum finis long ol komuniti blong olgeta? Wanem fasin we oli sevem kakai yu save usum blong redi from wan longfala taem we i drae o i ren.





Wasem han, ol gudfala fasin blong mekem
man i no sik mo lukaotem gud wota

Ambrym, Vanuatu

Long Vanuatu, ol komuniti oli save experiencem ol draot o taem we ples i drael tumas long wan taem blong El Niño. Bae i no gat tumas ren mo wota, mo hemia i save afektem helt, kakai mo laef blong ol pipol. Wan eksambol, hemi ol sik we i pas long wota olsem sitsit wota we i stap kam aot long taem we i drael tumas.

I gat fulap wei we i no nidim mani o smol mani nomo we ol komuniti i save tekem blong redi long ol taem we bae i gat drael taem o i no gat wota. Komuniti long Ambrym oli stap wok wetem Red Cross blong givim ol gudfala fasin blong mekem man i no sik mo promotem wasem han mo lukaotem gud wota.

Yu save mekem se man i toktok taem yu askem olgeta we i kam long woksop – wanem ol fasin blo lukaotem gud wota mo wan gud fasin blong mekem man i no sik we oli gud mo stap long komuniti o skul blong yu?





Wan praktis blong redi long disasta

Gaua, Vanuatu

Wan praktis blong redi long disasta hemi wan impoten wei blong mekem komuniti i redi olsem praktisem wanem oli sud mekem long wan taem blong saeklon o taem wota i kam antap tumas. Komuniti i save wok wetem ol ofis blong kavman, ol ofis we i no blong kavman (NGOs) mo ol ofis olsem Red Cross blong mekem wan stadi long wanem kaen danger bae oli save facem. Hemia bae i helpem ol man blong planem wan gudfala praktis mo gat wan gudfala tingting long ol difren situasen we i stap – wan eksambol, wanem eria we i no gud tumas, wea oli sud go long hem long wan taem blong disasta mo hao oli save muv kuik taem. Ol fokast oli save talem wanem kaen disasta praktis yu mekem mo save helpem ol komuniti i redi from ol situasen ia.

Pikja ia i soem wan praktis blong saeklon long Banks aelan. Komuniti long Gaua oli wok wetem Red Cross mo tekem ol fasin blong prepea from disasta. Sam long ol fasin we oli tekem hemi olsem gat wan komuniti disasta komiti, luk save ol strong haos blong go long hem mo mekem wan disasta praktis olsem wan long pikja ia. Ol stron haos oli sud stap long wan sef ples mo i stap long gud kondisen wetem ol saplae (olsem, box blong meresin) mo ol samting olsem wota, kakai mo ples blong toilet wetem swim.





Erosen kontrol

Mota Lava, Vanuatu

Graon we i stap muv, graon we i foldaon mo fasin we solwota i wasem aot ol tri mo ol graon long solwota hemi wan bigfala problem long fulap komuniti long Vanuatu we i mekem fulap damej long ol infrastrakja (olsem haos rod mo aeapot), laef blong ol pipol, kakai wetem wota. Saeklon, wota we i kam antap tumas, tumas ren mo level blong solwota i janis i save mekem se ol graon i save lus.

I gat fulap fasin we ol komuniti long Vanuatu i save tekem blong sloem daon level blong graon i lus kolosap long solwota mo insaed long lan. Pikja ia i soem wan komuniti long Mota Lava we oli tekem wan aksen blong plantem bak ol tri kolosap long solwota wetem ol tri we i kam aot long eria blong olgeta nomo.

Yu save mekem ol pipol i toktok taem yu askem olgeta we i kam long woksop – wanem ol gudfala saed blong kontrolem graon long eria blong yu?